

陝西懷遠縣志

第二冊

中華民國十七年十一月重印

陝西懷遠縣志

王禮題

懷遠縣志卷之二

賦役

懷之土地非石磧則沙漠也懷之民人非招徠則流移也以招徠流移之民而耕沙漠石磧之地旬月不雨則苦乾燥雨則又苦寒涼而憂衝潰邊隅之賦役尚可言哉蒞茲土者而歆生聚繁衍以足額賦未易事也惟就現在正供言之賦有本色折色其下役惟載於糧中也本色即糧草折色則有馬價銀九釐銀軍器鐵料銀之名各項銀兩每年照熟地派徵並無除荒徵熟是以地有開墾銀無加增地畝皆山坡下等有綏德衛榆林衛延安衛糜糧增糧養廉等項之分地有厚薄每畝科徵俱不畫一雍正九年設縣原接綏德衛屯地貳千貳百伍頃陸拾畝內豁免過荒地壹千捌百

懷遠縣志

卷二

一

榆林東順齋印

伍拾貳頃捌拾壹畝伍分內節年開墾併清查首報出熟地壹百貳拾玖頃貳拾肆畝伍分實荒無主地壹千柒百貳拾叁頃伍拾柒畝現在實熟地肆百捌拾貳頃叁畝每畝科徵本色糧貳升貳合至叁升壹合不等本色草柒兩肆錢至玖兩陸錢不等應徵本色糧壹千貳百柒拾貳石陸斗肆升壹合玖勺肆抄捌撮叁圭叁粟伍顆本色草壹千肆百伍拾束肆觔伍兩叁釐玖毫壹絲肆忽柒微捌纖馬價玖釐等項共銀肆百貳拾陸兩叁錢肆分柒釐貳毫捌絲伍忽肆微柒纖肆塵肆渺遇閏加銀貳拾壹兩貳錢伍分柒釐陸毫肆絲忽伍微肆纖柒塵肆渺榆林衛原額屯地壹千壹百捌拾伍頃內豁免過荒地壹千壹百陸拾肆頃玖拾壹畝伍分內節年開墾出熟地捌頃貳拾壹畝實荒無主地壹千壹百伍

拾陸頃柒拾畝伍分現在實熟地貳拾捌頃貳拾玖畝伍分每畝科徵本色糧壹升貳合地丁均徭銀貳毫柒絲舊無額徵草束亦無馬價等項銀兩應徵本色糧叁拾肆石壹升叁合伍勺均徭銀壹兩壹錢叁分玖釐玖毫捌絲壹忽叁微捌纖壹塵柒渺延安衛原額屯地玖拾柒頃陸拾畝內荒地捌拾陸頃肆畝現在實熟地壹拾壹頃伍拾陸畝每畝科徵糧肆升捌合零草柒釐叁毫零馬價鐵料均徭玖釐肆項銀壹釐柒毫肆絲零應徵本色糧伍拾伍石伍斗柒合貳勺捌抄叁撮玖圭肆粟玖粒貳顆本色草捌拾肆束柒分伍釐玖絲肆忽玖微肆纖壹塵陸渺馬價等項銀貳兩壹分陸釐肆毫貳絲肆忽肆微肆纖捌渺糜糧原額伍堡屯地貳百柒拾頃柒拾貳畝捌分肆釐陸毫陸絲內坐落懷遠堡壹百肆拾

頃每畝科徵地畝均徭銀壹分坐落波羅堡肆拾肆頃陸拾叁畝每畝科銀壹分伍釐坐落威武堡貳拾柒頃每畝科銀壹分坐落響水堡伍拾伍頃玖拾玖畝捌分肆釐陸毫陸絲每畝科徵銀壹分伍釐坐落清平堡捌頃壹拾畝每畝科徵銀壹分除實荒地叁拾壹頃貳畝肆釐陸毫陸絲現有實熟地在貳百叁拾陸頃捌分應徵地丁銀貳百陸拾玖兩叁錢柒分貳釐舊無額徵糧草及馬價等項銀兩增糧原額五堡屯地貳百陸拾頃肆拾柒畝伍分內坐落懷遠堡叁拾頃叁拾壹畝每畝科徵本色糧貳升科本色草壹拾兩叁錢肆釐貳毫科玖釐銀貳毫玖絲捌忽柒微壹纖叁塵壹渺坐落波羅堡伍拾頃肆拾畝每畝科徵本色糧貳升柒合叁勺玖撮貳圭捌粟陸粒科本色草壹拾肆兩壹錢叁分壹毫陸絲科

玖釐銀肆釐壹毫柒絲捌忽捌微捌纖玖塵坐落威武堡壹百壹拾頃陸拾畝每畝科本色糧貳升叁合玖勺肆抄捌圭陸粟科本色草壹拾貳兩貳錢伍分貳毫科玖釐銀陸釐伍毫柒絲貳忽貳微柒纖陸塵坐落響水堡壹拾陸頃捌拾畝每畝科本色糧叁升玖合貳抄捌圭叁粟叁粒科本色草玖兩玖錢肆釐柒毫陸絲舊無科徵玖釐銀兩坐落清平堡伍拾壹頃叁拾陸畝伍分每畝科徵本色糧貳升科本色草柒錢柒分捌釐柒毫肆絲叁忽科玖釐銀肆釐陸毫柒絲貳忽貳微五堡共除實荒地壹百柒拾叁頃陸拾玖畝現在實熟地捌拾陸頃柒拾捌畝伍分應徵本色糧貳百壹拾貳石壹斗柒升壹合玖勺陸抄陸撮貳圭本色草叁百玖拾束壹拾伍觔叁兩捌錢玖分肆釐陸毫玖釐銀玖拾叁兩壹分玖

釐柒毫貳絲壹忽肆微玖纖伍塵養廉額外屯地貳頃伍拾畝每畝科徵銀叁分共應實徵銀柒兩伍錢五堡地畝共徵糧壹千伍百柒拾肆石叁斗叁升肆合陸勺玖抄捌撮零草壹千玖百貳拾陸束叁觔零地畝均徭併玖釐軍器鐵料等項共銀柒百玖拾玖兩叁錢玖分伍釐肆毫零人丁舊無額徵順治十年奉文編審審出綏德衛實活丁陸拾捌丁內上丁叁拾玖丁每丁徵銀壹兩貳錢下丁貳拾丁每丁徵銀陸錢下下丁玖丁每丁徵銀叁錢又康熙元年編審新收幼丁叁拾玖丁開除死亡老丁貳拾叁丁又各年編審新收幼丁壹百捌拾貳丁開除死亡老丁壹百叁拾玖丁實在人丁壹百貳拾柒丁應徵丁銀柒拾柒兩壹錢順治十年編審出榆林衛人丁肆丁內中丁壹丁每丁徵銀陸錢下丁叁丁每

丁徵銀叁錢康熙元年編審新收下丁壹丁又節年編審新收下丁拾丁每丁徵銀叁錢開除死亡老丁貳丁實在人丁壹拾叁丁應徵銀叁兩玖錢又乾隆貳年奉文以屯更銀糧均丁應增銀貳拾貳兩壹錢捌分伍釐叁毫共應徵丁銀壹百叁兩壹錢捌分伍釐叁毫欽遵康熙伍拾貳年叁月拾捌日

恩詔後遇編審之期但據康熙伍拾年丁冊定為常額續生人丁永不加賦地丁貳項共應實徵銀玖百貳兩壹錢捌分伍釐叁毫遇閏加徵銀貳拾叁兩陸分陸釐陸毫零民間地丁常賦而外別無壹毫力役雜差致擾至山傍嶺側之地又任民墾種而永免陞科國家之優養生息可謂至極而蔑以加矣承乏於斯者惟庚癸不呼以裕民財工役鮮作以寬民力毋喜功而更張毋驚名而粉

飾調劑教訓一因乎民情庶可漸臻殷阜焉 按乾隆二十三年綏德衛開墾地叁拾伍畝應徵銀伍錢貳分伍釐共實徵地丁兩項銀玖百叁兩壹錢陸釐加徵銀貳拾叁兩陸分陸釐陸毫零

徵收

徵收之為民病者二一則道路遙遠運納維艱也一則上倉擁擠守候時日也懷邑改置縣治以來倉廩仍因衛制分設五堡是以各堡之民皆得在各堡之倉就近輸納名雖地畝屯糧實與社倉之便民者無異即常平倉之收存出放亦然且各堡分收則糧數無幾完納亦易而不至擁擠守候制甚善也其徵完本色糧草即於次年儘數支給懷波響威清五堡兵糧作正開銷收支俱用西安市斗此正項之外並無絲毫徵收雜費至徵收地丁銀兩每兩

收耗銀壹錢伍分遇有零星壹錢上下者准以制錢折納其折錢數目無預定於徵收時照市估摺價值折收每完錢糧照票一張收制錢三文給收糧書吏飯食催納糧銀向無滾單串票止令各百戶催頭催納民人自封投櫃俱於歲內全完有閏存留銀捌百貳拾伍兩玖釐肆毫貳絲柒微玖纖壹塵柒渺係留支本縣官役俸工作正開銷有閏解司銀壹百兩陸錢叁分柒釐玖毫柒絲玖忽肆微陸纖伍塵叁渺無閏解司銀壹百貳拾捌兩貳錢壹分陸釐陸毫貳絲壹忽柒微肆纖伍塵伍渺起解銀兩因為數無多於每年司庫領出公費養廉銀兩內或遇元寶小定不等就便解交並無火工傾銷鮮費民間每年清還地畝本色糧草及折色銀兩則卒歲安無事之福矣 按乾隆二十三年以後有閏存留銀捌

百貳拾伍兩玖釐解司銀壹百壹兩壹錢伍分叁釐無閏存留銀柒百柒拾肆兩叁錢陸分肆釐解司銀壹百貳拾捌兩柒錢肆分貳釐

稅課

稅課所以徵商而佐正賦之不逮也然惟水陸聚集輻輳殷繁之地行之而後有益於國無損於民懷邑地廣人稀民貧土瘠舟車不通商賈少至稅課不過姑存其意而不苛於徵求實 國家恤邊之政抑亦地產之無幾也即如塩法一項懷邑向無徵課俱係聽民買食邊外蒙古沙塩如神木府谷葭州三州縣之例民咸便之自康熙年間榆林縣之魚河堡招商煮塩懷屬響水堡民亦效尤設立塩鍋數口地與榆林縣境接壤隨附榆林縣納課銷引邇

來榆林商人希圖廣銷因駝鹽於懷地售賣每藉邊鹽擁滯官鹽為名遂有邊鹽入境之禁其茶法亦無徵課民間惟隨宜買食官茶而已雜稅止有宰殺猪羊牲畜一項遞年徵解銀不過四十餘兩徵解房地稅銀不過七八兩以至十餘兩不等向無定額俱係儘收儘報按季解布政司充餉其為增益 國賦者亦幾希矣

種植

懷邑多沙磧高阜可耕之土甚少民人多在邊外務農名曰牛犍蓋用二牛之力以耕一日則為一垧地盡二牛之力以耕一年則為一犍牛也所種之穀則有粟穀梁穀糜穀稻黍大麥小麥蕎麥燕麥黑豆白豆綠豆大豆胡麻蕪麻種類不一其粟穀種於小滿前後收於寒露之後有青白黃黏數種即稷也梁穀枝葉穗粒似

粟而稍細亦稷之類其性較黏可作酥食糜穀即黍也種於芒種前後收於秋分之後亦有青白黃三種俱可作飯更有一種軟糜可以作酒稻黍即高粱也幹葉似蘆而高丈許作飯作酒俱可大麥種於餘春間小麥種於仲秋枝葉無異而粒有大小燕麥一種亦與小麥同時種收於九月其實細於小麥炒作茶食甚佳蕎麥則夏至後播種寒露後方收其性較南方出者甚寒至各種豆田小滿後始種寒露後方收然多種黑豆其餘不過間或有之也其浮沙黃磧瘠地不宜各色穀種者即種胡麻蕪麻收其實取油燃燈煮菜俱可至水稻則罕有種者近於腹內河邊之地間有築堤引渠種之以其地皆高阜而灌溉誠難也總之邊民之病莫甚於廣種薄收之說動曰不種百垧不收百石然不墾不鋤止知一耕

一種已無餘事其收成厚薄則聽之天矣詎知深耕勤鋤則十數畝之田未嘗不可收成百石者蓋廣種則糞不足力不至而苗根不深枝幹不茂微旱已成災傷即豐收亦屬有限何若積糞勤鋤以少勝多之為愈乎

物產

飛走昆虫草木之物氣至則生隨處有之無庸備載邊地之產宜於民生日用者木之屬則有榆桐楊柳惟榆堅實然少有直幹成材者一種水桐高大挺直可以勝用楊柳有青楊白楊沙柳水柳垂柳數種性皆不耐果之屬則有桃杏棗李而杏樹棗樹更為易生民間多植之蔬之屬則有葱薤韭蒜蘿葡菠蔞蔓菁蒼蓬白菜山藥芹菜芥菜萵苣豆莢豌豆苗蒲笋茄連瓜屬則有黃瓜西瓜

葫蘆甜瓜南瓜茄子皆園圃所常種其他白蘑菇產於沙中似菌而小香味較香菌而清美同雞肉作湯最佳但性濕熱發毒不宜多食以其多產於淋雨之旬若雨少則亦稀罕也小蒜根白如蒜葉似薤而細沙韭與韭無異又名黃芽韭生食甚美有一種粗大者不可食枸杞菜沙葱沙芥俱產於野地可以採取充蔬又有一種沙米邊人呼為黍喇棘莖如麻而有刺葉類艾而稍圓結實成房如蒺藜狀杵去殼粒細如黍用羊羹作粥食之味甘滑利大腸草之屬則有沙竹柔長無節屈之可為柢捲蘆葦編之可以為蓆苜蓿草秋青草刈之可以養牲畜沙蓬棉蓬實可以充飢魚之屬則有鰍鯽鱉田雞又有一種沙魚似鯰而長似鯉而小其味苦脆向者邊人皆以為蟲而畏之近日漸有食之者烏之屬則惟雞為

民間常養鷺鴨亦少有養者獸之屬則有牛馬羸驢山羊棉羊駱駝猫犬皆民間所常畜其山羊棉羊尤家家多牧之蓋利其奶以充腹襲其皮以為衣也而取資邊外以供口食則有狐兔石之屬則有石炭可以供薪夫沙漠頑山柴薪無出脫無石炭胡以糞殮不布不麻不有羔裘胡以卒歲其亦地不愛寶以求民之瘼耶至草木昆虫之產可以為藥餌者如甘草益母車前枸杞子地骨皮旋覆花草烏麻黃蒼耳蒺藜皆遍野叢生其他如瞿麥苦參地黃黃柏榆錢小茴香穀精草旱蓮草馬兜鈴牽牛菊花柴胡野苳菇杏仁桃仁柏子澤蘭百合萱花木瓜兔腦夜明沙威靈仙佛指甲亦隨處有之惜無有知而採取者若夫花木即如芍药迎春百合月桂玫瑰杜薇錦葵珍珠花石竹花萱花鷄冠花雁來紅菊花種

類不一邑人罕有種者亦良足以驗淳樸之風矣

市集

懷治村落散處雖附城附堡之地居民亦屬寥寥其市集數所每歲僅二三集每集止二三日集中貨物自內地出者不過布帛糧食自蒙古來者不過羊羢駝毛狐皮羔皮間有以牛驢易換糧食者縣東四十里之五龍山三月初三日起集至初五日止四月初八日再集至十二日止七月十一日起集至十五日止十月初一日又集至初五日止縣西四十里之威武堡蘆溝鎮三月十八日起集至二十二日止七月十月俱自十八日起集至二十二日止又西九十里之水地灣三月初六日起集至初八日止七月初六日再集至初八日止十月初六日又集至初八日止十二月初六

日又集至初八日止威武堡之巡檢司三七十二月俱自初六日
起集至初十日止九月二十二日起集至二十七日止縣南一百
里之孫家石灣三月十七日起集至二十日止七十月俱自二十
五日集至月底止縣西南一百里之頁水灣七月二十一起集
至二十四日止十二月二十一日再集至二十四日止又提鈴溝
三七十二月俱自十七日起集至二十一日止又西南之冷窰
子三月初三日起集至初五日止武家坡二月初五日起集至十
三日止七月十三日再集二十三日止十月十三日又集至二十
五日止波羅接引寺十月初六日起集至十二日止懷遠本堡正
月十三日起集至十六日止响水堡二月二十六日起集至月底
止七月初六日再集至初十日止九月二十六日又集至月底止

今惟五龍山响水堡接引寺武家坡懷遠本堡孫家石灣至期尚
集餘均停止每遇集期各設會首協司鄉保稽查匪類解和爭訟
蒙古民人與內地商販互市貿易各得其平即此以觀中外之和
好未有如今日之盛者也

名勝

勝景以娛心目似不足道然山川之毓秀人物之蕃庶風俗之醇
美因之則又不可畧爰就耳目所共賞者顏為八景繼以序詩非
敢好事也

龍山聳秀

朔漠之山蕩然黃沙連岡疊嶺草木不生惟縣南有五龍山者於
百萬岡嶺之內特起出於雲表旁分五支猶龍之盤旋起伏下繞

清澗曲折縈洄上有古寺隱現恍惚登覽者實有俯視衆山之概
是以屢遭兵燹此地獨全未必非山之鍾靈焉
障疊岡巒起伏盤旋勢若龍溪流縈曲帶谷響亂晨鐘
夜月香臺靜朝烟古寺濃望中靈氣集飛佩擬攀從
鴛水澄霞

鴛鴦池在縣西十餘里許廣不過百武深不過數尺又池分兩股
常有文禽飛鳴飲啄於其中好事者遂以鴛鴦名焉夫以沙漠之
區水皆混濁此獨一泓瑩潔光映長天舉凡雲物星光飛潛動植
無不畢照即以為鑑水也可以為廉泉也可
百武鴛湖靜流霞曳鏡中鴨頭凝淺綠魚尾帶殘紅
交頸雲峯合雙飛鷺影空濯纓歌正切相對豁塵蒙

碧海騰蛟

縣西七十里許有海子溝沿溝而南拾級百丈上有清泉泛溢其
前則丹峯對峙中開水道湊騰傾瀉宛然蛟勢凌空上下聲响動
地精彩沁人洵巨觀也

飛瀑懸千尺烟濤起碧川垂虹驚電彩奔馬噴龍涎
響應傳空谷波搖撼暮天靈氣資發越鼓鬣起峯前
理岸雲屏

縣西南有大理小理二河疑是大澧小澧之誤但無徵可信未敢
憑臆惟小理河一派清流兩岸峭壁屹立如屏玲瓏變幻如雲如
花水湄之旁介然成路往來之人未嘗不徘徊久之胥以為天工
之巧而不忍去

列岫排空出如屏映碧流水紋斜欲動雲錦散還流
鳥似穿花舞人如入畫遊因知天巧極雕琢總難求
響水天橋

無定河水遠通西北諸源夾岸浮沙勢大流急舟不能通橋無可

駕乃奇石天生一梁徑渡中關三窟下伏萬流吼聲驚耳定力為

之動搖堡名響水實係乎此由是以達九塞藩封而遵道蕩蕩以

訖三邊聲教而向風喁喁胥賴此爾

乾隆三十一年丙戌知縣談恕行三十二年丁亥知縣胡紹祖倡議捐

修監生王士楨力成之

無定河流急天橋孰與開尾閭憑一洩底柱盡千回

龍虎同吟嘯晨昏混雨雷未湏誇徑捷徐步亦驚猜

鳳峪狄青

懷遠縣志

卷二

十一

榆林東順齋印

圖水之旁有山似鳳迴巒盤轉振彩羽以飛空昂頂崢嶸拱雄冠
而朝日草集九苞之色鳳清六呂之音秋景逾春青光間紫葢挹
其爽氣人盡如昇也

鳳峪稱名勝清秋趣更饒落霞飛彩羽曉翠挂寒梢

地望岐陽近雲連嶰谷遙更看朝日映體勢欲凌霄

清平龍洞

烏龍洞又名烏龍口乃懷屬清平堡之邊口也洞有泉色清且漣
味甘而冽元季鄉人於洞中鑿石像以主此泉之祀遇旱禱雨輒
應蓋龍山徒像其形而龍洞則徵其實蒞茲土者未可以褻嫚將
矣

幽邃窺龍洞山農慶地靈出雲常藹藹騰霧總冥冥

變化隨休兆祈求應德馨為霖千里遍何事挈甃瓶
波羅遺跡

波羅本梵語波羅堡謂何以古蹟而得名也堡西山石峻起上有足形一顯一晦俗傳以為如來入東土返西天之所故搆波羅寺供如來像於其中然余觀無定河至此曲流數道波文如羅或亦可以名稱今唯仍舊不欲師心自用故誌彼不誌此蓋由好古非以崇佛也

幻跡留江渚瀾迴水閣開月寒聽水落林靜看風來
蹇愕驚頑石依稀上綠苔只今城郭畔擬到九蓮臺

響水橋遇劉將軍說龍門諸勝

譚吉璫

延安同知字丹石浙江人

西北諸源水獨能通中國激峻從高注揚奔下流急清澄六斗泥

懷遠縣志

卷一

十二

榆林東順齋印

千里還一曲混混圖谷流欲與黃河敵東逕鴻門亭天封井火出雲洩雷湊湊湍沙浩難測北過響水城野渡名謊忽幸有三門險關防似禹跡信哉水非鑿而能穿入石中門水交衝素沫隨風發旁流二門深濬波浮竹疾我來一問津窺臨真悸魄若非此安流不然將大溢何必登龍門神工懷巨阨
劉有謙字大吉順天大興縣人祖汝善鴻臚寺序班父鴻圖延綏鎮標中營中軍守備隨征湖廣歿於軍有謙萬里扶喪以孝著推授響水堡守備邊情練悉才勇罕儔

過響水堡石橋

馬猶龍

字水臣綏德衛人拔貢體韻和雅長於三禮

禹門稱古蹟此峽亦奇哉急瀨噴珠雨湍流響迅雷
孤鴻音嘹唳行客步徘徊欲作驚波句慚無曠世才

大墩梁山歌

有序

何丙勳

字保如浙江
山陰人進士

山在縣城西南百五十里去大理河十餘里屬清平堡其山極高
為懷邑諸山之冠登高一望衆山皆小與安定之滴溜山遥遥並
峙日華甫出可見榆郡烟霧山麓四隅築有城寨相傳設此屯糧
則墩梁疑是屯糧之訛然不可攷矣輿圖未載因歌以誌之
墩梁山峙清平堡體勢巍峩接蒼昊再成三成上盤旋此身宛置
蓬萊島曉望榆陽烟霧中滴溜山頭夕照紅諸峯羅列來眼底足
下獵獵生長風西麓荒沙留古寨土堞已摧基勿壞傳說此中曾
屯糧重兵扼要守險隘大澗小澗繞址流南匯大理趨綏州滔滔
不盡今猶昔無定河邊去路悠白草黃沙矚千里隱隱毳帳牛羊
市勝國籌邊套不收只今視之如都鄙登臨何必覓奇峯仄徑寒

懷遠縣志

卷一

十三

榆林東順齋印

雲穿幾重氣象萬千不可議超然一覽豁心胸人惜此山無松栢
我喜視遠無障隔元氣渾然仁壽徵禹甸具瞻梁奕奕輿圖未載
意云何我為茲山感慨多塞上昂然鎮萬古名不名兮總不磨
烏龍洞歌

清平之南柴家河村有烏龍洞乃遠近鄉民禱雨處也與邊口之
烏龍口亦名為烏龍洞者異由村北入谷口中有小河兩岸皆山
樹木翳翳洞在西山半壁間水從洞出懸流而下流入小河盤旋
登山俯視洞內寬約丈許水如桶湧委折而出此為頭洞入此為
第二洞昏黑無光洞口漸小口旁之石似青似白狀如龍蛇令人
生怖洞口浮沙沾髮微馥相傳洞通寧夏其說似未可信而禱雨
取湫有人至十七八洞者呼是人而詢之言之鑿鑿不能盡以為

誕也然必遇極旱他處求之不應方取此湫其法先沐浴一人掌燈一人抱瓶一人奉香笞一人鳴鑼為號被髮跣足匍匐而入每一洞必焚香卜筮筮許取方以瓶承溜滿注而出否即更入洞口極小儘可容身足下如履地如涉水如踏棉非筮許取水不敢畏縮思返返則其水陡立沒洞矣遠方來取水者村人必飲食之得雨還水必祭以特羊羊即以酬村衆而本村人則在廟致祝反無敢入者洞少北別有一洞以為石壓亦出微流俗傳為風洞坡下有小廟奉烏龍神像頌德匾額堆積甚多廟之後殿奉水母神像景亦清幽廟建石上小河自山後來山水暴漲石逼東去故從未冲圮至謂石中有逼水珠近於妄矣廟側有碑建自嘉慶年間原叙言由來已久洞有二龍神司其一水母司其一而已洞南二

里許即柴家河村村南二里許兩山壁立環抱中有圓峯屹峙兩水夾流屈曲出谷口瀑布飛下約七八丈仙雲縹緲亦巨觀也蓋烏龍之郭郭云

柴河聳奇峯中有天然洞深邃宅神龍未許人嘲弄空谷夾峻崖
警欬成喧闕曲徑上盤旋徒步辭磬控翳翳森翠栢滋培俱邦棟
短草綠差差溟濛罩烟霧檻泉鬻沸流沁骨如含凍飛瀑出山來
清流堪託諷怪石狀龍蛇驚鳥應斂巖穴頂蒸浮砂香近碧筠糗
地靈龍亦靈禱雨忙夏仲恒暘望雲霓農夫皆倥傯被跣入匍匐
提燈復抱甕寒湫浥層層笞卜以折衷舉念果肫誠卦理必竒中
一竇綽容軀入耳聲如哄有進無退志觸石肌隱痛畏縮轉念生
立見沉淵慟渥澤隨感施以故信者衆報祭必刲羊虔告神罔恫

水母與烏龍廟靈仰併幪風水各一司碑記新磨礮問俗厯崎嶇
時聽幽禽哢陟獄復降原潤氣青山送有靈不在高雲從天宇空
歲旱汝作霖用慰形求夢

響水堡天生石橋

硤石鎖奔濤圍陰聽怒號二門成鑿險

石梁下傍岸僅鑿二門無三洞也

兩岸類穿

濠虹跨天工巧龍蟠佛宇高

山有蟠龍寺

杠梁何足擬鞏固穩登鼇

三捷關

一名斬賊關

參政陳長祚軍威壯此關歡聲騰士卒勇氣震河山

一雪當年恥姑紓數載患策勲三捷著青史記班班

陰陽泉

孕育分清濁靈泉協兩儀宛如昏曉割疑有鬼神司

懷遠縣志

卷一

十五

榆東順齋印

未許來源渾能今出脉岐合流誰復辨記取在山時

狄青原

巖綠舊山河邊臣苦枕戈地方軍衛廣戰績武襄多

遺愛傳名氏先聲懾孛羅膏腴資灌溉歲望雨滂沱

原廣六七里長二十餘里為榆林衛地沙漠稱沃壤焉地高水遠原下有泉名曰飲馬源亦微弱不敷灌溉故多荒蕪而相禁鬻賣分認額糧盡人得種儘力任墾此區力盡聽易彼區雨暘時若亦得豐收

太極圖河

圖水至城北往復迴環曲折東去沙渚規圓如圖繪太極故名

按圖窺太極肖象溯圖河圍抱隨璇折灣環逐鏡波一規兼動靜
數曲判平頗注意希夷說關情孺子歌會歸資麗澤終始進盈科

印月輪長滿剛柔互盪摩

波羅佛跡

堡西大佛寺巖石凌空上有足跡長尺許相傳如來入東土返西天之所事近不經然郊媒履武巨靈擘華顯而有徵無足怪焉是

不可不誌也故詠之

佛教開西域東來試一遊行踪方外寄巨跡石間留說法全身現
皈宗五體投真如參妙諦般若證清修覺路當前示歸途此日謀
衆生胥拔濟飛錫遍闔浮

附記

清平堡新修水口記

即烏龍口

于慎行

東阿人官
禮部尚書

清平之西有河從套中來貫墻而入平沙曼衍岸陟阡岌久未有
塞也萬曆九年明吾文公備兵靖邊既已申布要束拊循吏士咸
有成法始以其暇躬率將吏行視城堡至其地而駭曰使敵攻吾
之暇如枕席上過矣惡用長城為哉叅將李君進曰聞塞外數里

懷遠縣志

卷二

十六

榆林東順齋印

有鮓鯁湖者則水之源在焉意可循而導也公立行視馳出塞甫
三里得水所從來有大石廣縱數丈水瀾漫越之而流公曰此天
作之險也鑿石為竇使水潛出其中吾因石而城之以介內外其
庶乎於是度石之徑輪疎為三竇引水而注焉因斲石為墻於上
以控河之兩岸夾河而垣之東長四百七十丈五尺以屬於邊之
東西長五百二十一丈以屬於邊之西纒聯迤靡若張兩翼而關
於石墻之間為櫓三楹旁列夾室戍者處之其水洑汨濺滴投湍
赴節既備天險亦稱大觀信哉可謂規宏剏巨垂利無窮者矣清
平於上郡一斥堠之地耳進而度之上郡延袤千里有如是險而未
成者幾何又進而退之諸邊起山海至於隴西有如是險而未
成者幾何一時賢大夫將吏建牙擁旄人人如文公各思畢力殫

精規久遠之圖以稱上旨因以震懼戎區耀威靈而講武事豈憂
邊患哉公名作四川涪州人隆慶二年進士

風俗

懷俗與蒙古為隣土風淳樸時耕時讀民情愚戇止務本業不知
逐末種地食力而外別無經營不能蓋藏以致富不能經商以取
利居則挖土為窰衣則羊裘食惟羊肉人多嗜酒家家以糜米作
麴釀之遇客至無筵席但以酒為敬耳嫁娶無六禮之名惟憑媒
議定男家始送布帛絲線或首飾銀器之物名曰插戴定親至聘
嫁之期男家六親迎接女家六親贈奩妝相送名曰過門成親喪
禮則惟以急葬為本其棺槨衣衾雖殷實之家概從簡約但演僧
誦經作佛事多所耗費耳至於鄉民蠢戇最易憤爭不特戶婚田

懷遠縣志

卷一

十七

榆
林東順齋印

土每輒興詞即賑債口角小故亦多喊稟到官必登時剖斷始釋
然而去或交鄉保處息亦各恪服頗知養老年至六七十以上者
雖極貧之家不令負載^戴道路總使有孤寡無自投養濟院者而六
親咸以為恥羣願領回存養不致失所亦知恤幼凡有孤幼兒女
其親族必設法撫養成人為之婚嫁若夫儉可致富古今之通義
也懷未嘗不儉無廬室之費無衣食之飾無禮節之煩何一遇歉
歲而殷戶每流於貧者論者謂邊地止靠男作並無女工以婦女
為內則之助乃惟裹足安坐而日索柴米如之何其能給也固也
然亦由積習不知蓋藏竭終歲胼胝所獲之糧秋收即盡行糶賣
取錢至錢文入手隨耗費於目前食用不計將來艱難及春作無
資餬口不繼惟待命於官倉借糧或乞憐於富豪借貸又何怪乎

貧者長貧耶苟能痛革其習而相勉於積糧以濟其俗之儉將周禮所謂三年耕餘一年之食九年耕餘三年之食者未嘗不可復見於今日而既富方穀以登風俗之書又豈以邊徼為限哉

